



XUNTA DE GALICIA

CONSELLERÍA DE
CULTURA E TURISMO
Turismo de Galicia



CONVENIO DE COLABORACIÓN ENTRE A AXENCIA TURISMO DE GALICIA E O CONCELLO DE MONDOÑEDO PARA REHABILITACIÓN DA CAPELA DE SAN LÁZARO.

MEMORIA XUSTIFICATIVA

A xerente de Turismo de Galicia

DECLARA:

Que esta Axencia Turismo de Galicia formalizou co concello de Mondoñedo o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2019.

Que o instrumento convencional ten por obxecto establecer o marco de colaboración entre Axencia Turismo de Galicia e o concello de Mondoñedo para rehabilitación da Capela de San Lázaro.

Que existe converxencia de intereses entre as entidades asinantes en orden á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é a entidade pública instrumental da Comunidade Autónoma de Galicia á que lle corresponde o exercicio, entre outras, das competencias en materia de coordinación, impulso, xestión e execución das actividades de promoción do turismo, e para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.





Segundo.- Os concellos, segundo se sinala no artigo 25.2.h) da Lei 7/1985, do 2 de abril, reguladora das bases de réxime local, posto en relación coa Lei 7/2011, do 27 de outubro, do turismo de Galicia, teñen competencias en materia de turismo, en concreto a “información e promoción da actividade turística de interese e ámbito local”.

Terceiro.- Ao abeiro do disposto na Lei 5/1997, do 22 de xullo, de Administración local de Galicia, a Xunta de Galicia e as entidades locais poderán celebrar convenios de colaboración entre si para a máis eficaz xestión e prestación de servizos da súa competencia, podendo coordinar as súas políticas de fomento dirixidas a un mesmo sector, executar puntualmente obras ou servizos e adoptar as medidas oportunas para acadar calquera outra finalidade de contido análogo.

Cuarto.- No barrio de San Lázaro, sito nas aforas da cidade de Mondoñedo, encóntrase a capela do mesmo nome. Para o citado barrio histórico desenvolverase un plan especial para a súa protección e rehabilitación a teor do establecido nos artigos 68 e 69 da LOUG, así como da Lei 5/2016, do 4 de maio, do Patrimonio Cultural de Galicia. Polo citado barrio pasa o Camiño de Santiago, ruta do Camiño Norte.

Esta capela foi fundada a principios do século XVIII. Presenta unha única nave de planta rectangular con arco triunfal. No interior alberga un retablo principal de estilo Barroco Rexional do s. XVIII con imaxes de San Xosé e San Fernando, así como un Relevo da Resurrección de Lázaro da mesma época.

Está formada por unha soa nave á que se engade un volume no seu lado esquerdo para albergar a Sancristía. Mentres que os muros da capela son de granito, podemos comprobar que os da Sancristía parecen dunha etapa construtiva posterior, dado que son de formigón, igual que a fachada da igrexa.

A proposta de actuación formulada débese ao mal estado de conservación no que se atopa, e diríxese a un tipo de intervención nas mesmas claves de utilización de materiais e técnicas construtivas que presenta a edificación, reaproveitando os elementos materiais que reúnan tal posibilidade, emendando deficiencias e mellorando as condicións construtivas e estruturais con tales medios cando proceda.

Propoñendo como intervención prioritaria a intervención sobre a cuberta (estrutura e cubrición), ademais da parte dos parámetros ocultos actualmente baixo os falsos teitos da capela, deixando outros aspectos para unha posterior intervención.





Quinto.- O Plan Estratéxico de Turismo de Galicia 2020 sinala como Reto 1, o aproveitamento do potencial dos recursos naturais de Galicia, que permiten construír un destino único e diferencial, artellado ó redor dunha Marca: Galicia. A sustentabilidade do destino será o fío condutor na construción das liñas estratéxicas que se contemplan:

- Paisaxe, recursos naturais e sustentabilidade.
- Valores diferenciadores e o seu potenciamento
- A mobilidade turística
- Os camiños de Santiago como dinamizadores do país

Así mesmo a Liña estratéxica 1: Paisaxe, recursos naturais e sostibilidade, sinala:

O turismo é un gran consumidor de espazos e de recursos naturais. O desenvolvemento da actividade require dunha planificación coherente e ordenada, que garanta a preservación dos espazos especialmente sensibles e a conservación da súa autenticidade e valores patrimoniais, tanto desde o punto de vista natural como desde o punto de vista cultural. A paisaxe como recurso estratéxico, debe de ser preservada e posta en valor desde un punto de vista turístico, garantindo a sostibilidade do espazo natural a medio e longo prazo.

Obxectivos estratéxicos:

1. Impulso ao uso turístico sostible da paisaxe. Ecoturismo
2. Recuperación e mantemento de núcleos singulares
3. Control de capacidade de carga e redistribución de fluxos turísticos
4. Sostibilidade das infraestruturas turísticas

Que a través deste convenio, outórgase ao concello de Mondoñedo unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, social, económico e humanitario expostas nos puntos anteriores e que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.





XUNTA DE GALICIA

CONSELLERÍA DE
CULTURA E TURISMO
Turismo de Galicia



Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

A xerente de Turismo de Galicia

M^a Elena Barca Ramos

